

吳文節公遺集

卷四十二之四十六



10272

吳文節公遺集卷四十二目錄

公牘

批石港卡武弁稟獲私鹽由

批鹽道稟覆石港卡文武員弁稟獲私鹽情節不

符由

批峽江縣詳會同卡員拏獲貨船夾私由

批龍母廟卡員稟拏獲貨船夾私由

批鹽道轉飭良口卡委員緝私由

札德興縣緝私由

札饒州府等查拏梟匪由

吳文節公遺集卷四十二目錄

札德興縣緝拏梟匪由

札饒州府轉飭緝拏梟匪由

批代理德興縣稟香屯卡巡丁被梟擄毆由

批饒州府稟請咨皖省拘提人證由



公牘

批石港卡武弁稟獲私鹽由

該把總對面與私梟相接梟之所持者篙槳耳乃被其打傷而不能擒獲無能已極尙公然形諸稟牘實屬無恥查該把總緝私不力前已札飭回營仰鹽法道卽飭遵照前札帶兵回省聽候察辦再現據文員葉紹昌稟報於閏七月初七日四更時分拏獲私鹽一百四十八隻連皮稱重三千二百五十餘斤該弁稟內敘稱鹽一吳文節公遺集卷四十二

一

百七十七隻重三千八百九十餘斤其拏獲日時與葉紹昌所稟相同而所獲鹽數互異是否另係一起並卽迅速查明稟覆仍候督部堂批示繳

批鹽道稟覆石港卡文武員弁稟獲私鹽情節不

符由

查此案前據該卡武弁葉名榮稟報閏七月初七日四更時分督同兵丁拏獲鹽船攜回卡所查點私鹽共一百七十七隻當因稟內聲敘隻數與文員葉紹昌所稟互異批令轉飭安仁縣查明稟覆在案茲據該道轉據稟覆查明該卡閏七月初七夜共計獲鹽一百四十七

箕因同前七月報獲存卡未解鹽三十箕存貯一處該
武弁一時疎忽誤行併敘入稟等語本院檢查前七月
內並無該卡稟報拏獲私鹽三十箕之案其爲該縣代
爲捏飾已屬可恨且即使實有其事而此起係連船並
獲卽係原船原鹽卽日解省前七月所獲之三十箕自
早已起岸貯卡何得頃刻之間卽能併貯一船無情無
理任意說謊做案尤令人切齒至打破船篷尙堪修補
駕駛扭捏悖謬不勝枚舉該縣林令只知瞻顧同寅不
顧事理之不順強詞曲說自以爲消弭得計殊不知其
不肯實心辦事已爲本部院所心輕而意疑之矣何善
吳文節公遺集 卷四十二 二

批峽江縣詳會同卡員拏獲貨船夾私由

於爲人而不善於自爲也仰卽嚴行申飭仍令明白答
覆至葉紹昌人甚卑鄙狡詐且時常擅離卡所斷難姑
留卽作速撤回另詳示懲一面別委委員前往接緝并
將銜名報查均毋遲違切切此繳

據詳拏獲船戶黃添盛販賣私鹽同另稟拏獲紙船上
逸犯私鹽二起所獲之鹽均不過二百餘斤而皆將客
貨一同拏獲雖據聲明示飭原客領回而貨既到官原
客來領必至書指差訛無端受累該員弁等拏此些微
之鹽塞責累及無辜勢將商旅怨嗟且紙船一案販私

正犯並未拏獲現案雖獲黃添盛一犯試問能辦出何等重罪不過將來虛擬一徒罪捏成親老留養了事而於公事毫無裨益轉致客商受累揣計該員弁拏此等小數之鹽必是將大夥賣放殊爲可恨仰按察司會同鹽法道速卽飛飭遵照示傳本客將貨照數給還另稟備核如書差敢於留難措勒索分文必將該縣嚴叅一面嚴緝水手許翠尙等并關拘賣鹽之正興號到案提同現犯研審實情按擬詳辦仍飭該員弁等嗣後務拏大夥私梟毋得僅將零星私鹽搜拏塞責滋擾行旅有干叅咎仍候督部堂批示繳

吳文節公遺集

卷四十二

三

批龍母廟卡員稟拏獲貨船夾私由

查此二案前據峽江縣具詳並會同該員弁等具稟當經明晰指示批司會飭將起獲各貨速傳本客照數給還稟核毋許書差措勒索一面嚴緝水手許翠尙等並關拘賣鹽之正興號到案提同現犯研審實情按擬詳辦各在案仰按察司會同鹽法道查照前批飭該員弁等知照并飭峽江縣遵辦仍令該員弁等嗣後務拏大夥私梟毋得僅將零星私鹽搜拏塞責滋擾行旅有干叅咎再該員弁等所獲之謝理福係無辜之人販私正犯並無拏獲黃添盛一名雖經訊認販私尙有水手

許翠尙等在逃且兩案所獲之鹽不過二百斤及二百餘斤轉將客貨一同拏獲累及商旅似此緝私正當叅懲何得覩然自以謂人鹽并獲請將船隻變價全行賞給實屬可笑所有此二案船隻著俟定案後由司道核議另詳辦理不准絲毫給賞仍候督部堂批示繳

札鹽道轉飭良口卡委員緝私由

據萬安縣良口卡委弁雷調元稟報六月初一初四初六等日拏獲私鹽三起連皮共計一千八百七十六斤又紅船陸續查獲下水船隻夾帶私鹽一百三十七斤等情前來查該卡爲通省最大之卡兵役最多坐耗經費最甚必須日日將巨窩蒐販偵拏報獲乃所報大宗殊屬寥寥而轉以紅船陸續查獲下水船隻夾帶私鹽一百三十七斤公然自以爲功可恨已極以一百餘斤之鹽經陸續查獲則其每起不過十斤八斤之零鹽食鹽可知似此逐船搜查實不過逐船詛索該都司等有

吳文節公遺集

卷四十二

四

意縱令兵役騷擾不顧公事之有益與否不知該都司等具何心膽而敢於藐玩如此本院已屢次含容頻番訓誡該員等總以報獲逸犯小夥爲得計其爲得規賣放巨窩巨梟不問可知

國法具在毋輕嘗試也除批飭該都司等於接批後先

據實明白稟覆外合行札知爲此札仰該道卽便一體轉移遵照毋違此札

札德興縣緝私由

照得該縣爲浙私侵淮門戶該令平日全不以緝私爲事不獨下游各縣均被其害卽該縣本境每年僅額銷八百餘引且幾於片引不銷已屬偷安無能本年夏間經本院訪聞香屯卡委員弊竇特加整頓並嚴催該令認真緝私疏引該令旣不能將卡員弊竇審出實情復不能緝私疏引數月以來每次旬報仍是片引不銷尤屬毫無愧恥本應卽登白簡姑再嚴訓策勵以觀後效吳文節公遺集卷四十二

五

除札鹽道外合行札飭爲此札仰該縣遵照自此以後所有該縣本境額銷八百餘引固不准一引短絀然尙不能以勉銷額引遂可僥倖告無過也其香屯卡緝私事務卽著該令會同卡員一體經理凡一切偵緝及報獲人鹽數日均著三人聯銜公稟功過同之如再不知振奮將大夥私梟頻頻報獲經旬累月僅以些少逸犯私鹽稟報塞責將來卽稟同文武卡員一併叅辦至拏獲鹽犯有意開脫化大爲小反怨卡員多事及未獲之鹽犯畏事苟安不肯偵拏皆地方官慣技不知私鹽過境暨縱梟化案等條均干嚴議該縣儻敢蹈此立卽核

叅勿謂本院誠之不預也稟切特札

札饒州府等查拏梟匪由

照得本院訪有樂平縣梟匪王鳳彩等數十人在於發

邑之小港地方設立公堂專包私鹽過卡每擔連卡費

抽錢三百文凡私鹽過卡有公堂人到卡知會卽不過

問惟照數收費梟販以過卡爲關以納費爲稅連踪直

達四溢侵充無所忌憚如零星私鹽不經王鳳彩等之

手卽送信卡所截拏以爲報功地步該卡巡役水手共

祇減剩八人兵丁亦祇二十餘名每日僅派二人託名

查船虛應故事實藉以零星訛索卽如本月初一日有

六

過卡私鹽一百二十餘擔係王鳳彩等經營之鹽卽得

規放去初三日有羅姓兵丁查出樂平船帶有未經出

費之私鹽百餘斤當向索得錢一百數十文亦卽賣放

本院訪查確實不禁髮指背裂設卡本以緝私乃轉爲

賣私生財之具該員弁等如串同兵役得規分肥固罪

無可追卽庸懶故縱亦咎無可辭該德興縣督銷緝私

是其專責疊經本院嚴行札飭均付之不答官鹽片引

不銷亦置之不問已屬闕冗不堪乃地方上有此等巨

梟不法之徒該卡巡有此等干紀不法之事亦竟如龔

如贖形同木偶豈復能勝地方之任本擬卽行一併叅

革究辦然轉得令置身事外姑且使之將功贖罪除札
香屯卡文武員弁遵照辦理外合行札飭爲此札仰該
府卽便遵照轉飭勒限二十日將王鳳彩等一千梟匪
按名拏獲嚴訊切供並得規之兵丁巡役亦按名鎖拏
訊供一同押解來省聽候究辦儻該委員弁等尙敢支
吾諱飾該德興縣尙敢觀望推延致使犯無一獲或僅
以一二贓少罪輕之犯搪塞了事仍不能倖免叅究也
爲功爲過聽該員弁等暨該縣自行擇取本院濡筆以
待凜之特札

札德興縣緝拏梟匪由

吳文節公遺集

卷四十二

七

該縣地方有此梟徒勾通兵役亂法營私不先查拏稟
辦迨經上司指名飭拏捏以先會風聞未敢冒昧舉發
之詞支吾文飾且猶靦然自謂抵任以來嚴密訪查有
犯必獲有弊必除本部院實不知該縣所獲何犯所除
何弊也仰按察司會同鹽法道嚴飭該縣查照節次檄
行迅將王鳳彩等一千梟匪按名拏獲由縣研訊切供
解候究辦並候據稟移咨安徽撫院轉飭婺源縣一體
拏解仍先將蔡元泰等迅卽解省以便訊究此繳

札饒州府轉飭緝拏梟匪由

照得香屯卡弁兵得規賣私一案前據德興縣稟稱訊

出兵役蔡元泰等得規屬實但入止七人事止本年三
四月間二三次贓亦甚微官弁一字不沾及本院已心
知包令非不能審出實情不過有心迴護化大爲小消
弭做案甘蹈無恥之惡習耳現在經本院將由卡押回
餘剩之兵丁八名提署鞠訊已據一一供吐自二十三
年七月起王鳳彩卽向該卡兵商議回明本官許送錢
文本官應允一年以來賣放私鹽不下數十百次贓私
纍纍文武員弁兵役按四六均分等語除文武員弁另
札該府遵辦外合行札飭爲此札仰該府遵照卽將兵
丁蔡元泰等七名巡役張龍等十六名速提嚴訊務得
吳文節公遺集 卷四十二 八

確情錄供通詳解省辦理一面嚴飭該德興縣將王鳳
彩等一千梟匪全行弋獲該縣旣節節闕冗玩縱於前
若再不獲犯贖愆試自問何以位置本院亦可謂誨之
諄諄矣特札

批代理德興縣稟香屯卡巡丁被梟擄毆由

查香屯卡巡丁汪貴被羅梁等捉去毆傷與船戶吳秋
元及張爲元等被獲本係兩事該卡委員吳臨之等前
稟稱吳秋元係爲梟匪來卡探聽消息之人原非確論
現旣訊明船戶吳秋元曾買有私鹽例有應得罪名應
再研訊辦理至張爲元等六人旣訊屬無辜應卽立予

釋放並將該卡獲存之張爲元等賣豬及吳秋元代人寄帶各錢文一一分別清交如短少一文惟吳臨之汪宇釵是問至汪貴於未充巡丁之先與人賭博實其不安分之事若見人販私至未報信則不得謂之不安分現在卽使梟匪挾其從前報信之仇將其捉去毆傷亦當嚴拏究辦至汪貴受傷之輕重該卡員有無虛報重傷自可水落石出梟犯自有一定罪名不必因卡員之報傷重而案始當辦卽不得因汪貴之受傷輕而梟犯遂可不拏此案遂可不辦也該代理縣視事多日無一

犯報獲實屬玩縱無能本部院前已特飭饒州府親督吳文節公遺集

卷四十二

九

拏究現復准督部堂咨飭嚴拏解省究辦仰按察司會同鹽法道卽飭該府遵照前札親督員弁兵役迅將羅梁等各犯拏獲由府親究確情據實錄供解省審辦一面飛飭該縣速將販豬之張爲元等六人立予釋放並將存卡錢文照數移取由縣當堂分別交還取領報查一面將吳秋元覆訊錄供按擬詳辦均毋刻延再本院迭閱該德興縣正署任各稟詞及卡員吳臨之各稟詞在地方官則據他人失實過當之詞而陰欲遂其化案偷安之慣技在卡員則又援他人消弭顛預之習而自張大其緝私出力之難能其實一則遇案不肯實辦而

先窮詰夫卡員之虛僞一則緝私並未出力而轉諉卸於有司之寬縱各爭閒氣各荒正事厥罪維均本院已如見其肺肝耳現在該縣已回任卡員已更換在包令當時凜本院札飭及面諭之言實心實力辦出效驗毋自取重咎在胡縣承當振作精神勿將就取巧勿虛憍見好以期無負委任在汪都司本不過因人成事之人亦當自問既居武職須倍加愧奮勿懶勿怕勿辭辛苦勿縱容兵丁勿不恤兵丁設法偵緝以期免咎各除私見各勉後效同心協力一意辦公儻仍敢逞私而不顧公本部院自能鑒察自有以處之也爲此併仰轉飭知吳文節公遺集卷四十二

十

之仍候督部堂批示繳

批饒州府稟請咨院省拘提人證由

查核羅芳遠供詞多有不實不盡必須嚴拏各逃犯務獲切實根究詳辦在逃各犯據供樂平德興之人居多何以不勒令該二縣查拏必先誘過鄰省屢關罔應耶且婺源實有應提之犯督部堂係專管鹽務安省又其所轄何不縷晰飛稟切實申請督部堂或委提或專札婺源立拏解究方於事有濟若推之本院咨提將來人犯不能迅到本省承審承緝之員轉得以藉口宕案殊非核實辦公之道仰按察司會同鹽法道飛速轉飭遵

照辦理毋再諉延並由該司道另行會詳以便分咨兩
江督部堂安徽撫部院可也此繳

吳文節公遺集

卷四十二

十一



吳文節公遺集卷四十三目錄

公牘

批樂平縣詳德興縣解審擬徒鹽犯被奪由

批德興縣稟解審擬徒鹽犯中途被奪由

札饒州府親督緝匪由

批饒州府詳獲犯訊供由

批饒州府稟獲犯由

批饒州府稟圍拏梟匪由

批廬陵萬安縣會詳鹽犯拒傷卡兵由

批臬司會詳審明鹽犯拒傷卡兵一案由

吳文節公遺集卷四十三目錄

批兩淮運司會詳議覆暨督部堂援引散輪

奏案飭令西岸散輪售鹽礙難遵行由

札廣昌營都司查卡弁誑報緝私被搶由

批廣昌營都司稟覆查明卡弁緝私被搶由

批廣昌營都司稟覆查明卡弁緝私被搶由

批廣昌營都司稟覆查明卡弁緝私被搶由

批廣昌營都司稟覆查明卡弁緝私被搶由

公牘

公牘

批樂平縣詳德興縣解審擬徒鹽犯被奪由

查此案前據該縣稟報本部院當以所訊供情支吾扭捏明係得錢賣放至兵役萬德等必係在家未經押犯同行據供因渡船擁擠在岸等候亦屬捏飾批飭嚴審嚴拏嗣據德興縣具稟又經批飭在案今該縣不能拏獲一犯又不肯交出兵役得賄賣放實情仍以捏飾供詞通詳朦混實堪痛恨仰按察司會同鹽法道遵照前批卽飭該縣暨德興縣迅速勒拏逃犯劉鳳保等並拉奪之犯務獲究報一面嚴飭該縣再行嚴審兵役如何得錢賣放及違例不同行押解各實情據實詳辦儻一月之後該署縣鄭令再不將此案各犯拏獲或不將兵役實辦必予撤叅慎勿玩視自誤仍飭造冊詳咨通緝並候督部堂批示繳

批德興縣稟解審擬徒鹽犯中徒被奪由

該縣等於一切鹽案從不肯切實究辦多方消弭甘蹈陋習而不知羞恥卽如此案該縣辦理本未核實意存寬縱以故奸匪藐法肆行差役平時得規庇私該縣聞

兇不究安得不與奸匪黨同一氣其爲放走無疑前據樂平縣稟報業已批飭嚴審嚴拏在案仰按察司會同鹽法道勒限一月內飭令該縣將逃犯劉鳳保等並拉奪之犯一併緝獲究辦儻劉鳳保等不能獲案該縣亦不能勝民社矣仍飭樂平縣遵照前批一體嚴拏并將押解兵役如何得錢賣放及違例不同行押解之處嚴訊確供據實詳辦均毋任延切切仍候督部堂批示並補錄本院前批樂平縣稟批暨此批一併報明督部堂此繳

札饒州府親督緝匪由

吳文節公遺集

卷四十三

二

照得本年四月間據浮梁縣等會同審詳東港卡員弁兵役巡獲私鹽被段得明等持械拒搶一案當經本部院以該縣等審辦不實消弭開脫嚴飭該府親訊實辦並督拏各逸犯併究至今未據該府審詳在逃逸犯亦無一名獲報又五月間據樂平縣稟報德興縣鹽犯劉鳳保等解府審勘行至該縣上田嘴地方被匪奪逃一案亦經嚴飭勒拏僅據樂平縣稟獲徐張龍一名支吾搪塞其餘逃犯劉鳳保等及奪犯匪徒徐高保等迄無獲報又八月間香屯卡巡丁汪貴被樂平縣梟匪申通婺源人羅梁等擄去挖瞎雙目割斷腳筋打斷左臂棄

擲荒山一案飭拏各犯亦無一獲本部院現又訪聞六月二十四日樂平縣段村卡有梟匪聚衆持械撞開卡所廟牆將前數日已獲之私鹽十四車三千餘斤搶回並將廟內衣服一併搶去兵役及住廟之旁人俱受重傷而樂平縣竟賠贖給賞買和了事似此遇案消弭直使

朝廷法紀蕩焉盡廢不獨有害鹽務其養癰貽患吏治之廢弛亦不堪復問聞之不勝髮指合行札飭爲此札仰該府立即親赴樂平縣查明段村卡匪徒如何搶鹽地方官如何買和一一據實稟覆以憑叅辦一面親督吳文節公遺集

卷四十三

三

兵役卽將段村卡滋事各犯及前案攔奪劉鳳保等之徐高保等並擄毆香屯卡巡丁汪貴之一千匪徒按名捕獲押帶回郡由府親究確情據實分別詳辦至浮梁縣東港卡搶鹽一案亦卽遵照前批督拏逸犯提同現犯段明得等嚴審辦理本院不別委大員赴饒查辦卽以此札爲特委該府如不將各起案犯弋獲究辦自問能脫然無事否稟之切切仍將奉文查辦緣由先行具報毋違特札

該府地方梟匪縱橫皆由厯任有司姑息養奸以做案化案爲能徒知漕糧報完地丁勉及分數遂自謂巧宦

自謂可倖無過而地方有此大患全視爲無關已事不知天下惟法立而後人方知恩似此縱惡長奸良民且不知懲戒而欲望奸民之知感畏乎無此理也若地方官再不洗心滌慮有案必實辦嚴辦有犯必窮追密緝將一切消弭朦飾之見掃除更張將來刁風悍習不知伊于胡底該府責膺方面察吏安民誼無可諉不可不知勉而知懼也又加示

該縣等如將現在已覺各案辦理不實者迅速獲犯一
一更正從實究辦本院斷不咎其既往若錮習迷心謂
舞文便可欺抵上司該府亦扶同朦飾本院則惟有先
吳文節公遺集 卷四十三 四

叅而後再查辦耳勿謂發之驟而誠之不早也稟之稟
之又加示

批饒州府詳獲犯訊供由

據詳徐高保等除聽從葉添富打差奪犯而外沿河詐
搶之案不一而足可見樂平一帶幾成商旅畏途該前
縣陳令不獨不行拏辦且不詳報闖茸廢弛可恨已極
本部院前札諄諄告誡謂嚴拏此等匪犯正爲整頓地
方不僅有益鹽務已也所有此案在逃各犯仰按察司
會同鹽法道卽責令現署樂平縣鄭令會同營委各員
督率兵役上緊嚴密查拏必須按名弋獲不准一名漏

網稟報解究一面速飭該府提同現獲各犯再行研審起意聚衆中途打差奪犯並沿河詐搶得贓究明此外有無窩夥搶劫不法別案及另有隨同打奪之人務得各確情據實從重懲辦仍飭鄭令將沿河一帶設法稽查務使河道肅清以安商旅而靖地方並將遵辦緣由稟覆查考切切暨候督部堂批示繳

批饒州府稟獲犯由

據稟已悉似此零星星星續獲一兩名無關重輕之從犯亦費紙費墨敷陳稟牘冀以抵飾本院心目而首要多犯置之不問本院果遂爲所愚而不追耶此案遂可吳文節公遺集卷四十三五就此將就結局耶仰按察司會同鹽法道轉飭令自思之此繳

批饒州府稟圍拏梟匪由

查此案迭經本院批檄嚴飭拏犯杳無報獲茲據稟種種情形查該府前半所稟嗶嗶以朱卡員不將探信之巡丁董林交出而董林亦躲避不見等語實屬紕繆之至該梟匪等均係德興之人彭令旣查出黃柏塘犯蹤何必更向巡丁查詢巡丁並無不是有何躲避之有該府此等意見卽與前稟所稱卡弁冒險貪功等語如一鼻孔出氣總似卡員不應拏鹽梟匪實不得已而拒捕

者然何紕繆糊塗一至此耶後半所稟梟匪等玩法無
忌亟應痛加勦捕卽移會饒州營參將帶兵二百名會
同馳往圍拏云云頗中肯綮而未後所請本院遴委文
武大員帶省兵二百名前往協拏云云則該府又存推
諉之想矣無論省兵緩不濟急卽使省中文武大員帶
兵前來本院亦惟責成該府了結此案蓋此案乃該府
分內應辦之事也至另稟所稱黃柏塘地方一面靠山
三面臨水溪河深闊驟難進兵必須省中發去大礮可
及五六百弓者始能示威懾服云云此真兒童之見矣
揣該府之意似謂梟匪負隅持險官兵不敢正覷只好
吳文節公遺集 卷四十三 六

隔河放幾聲大礮恐嚇恐嚇看如此辦法豈能得手可
謂無膽無識之至不知此等梟匪當掃穴擒渠聚而殲
旃縱使人有數千皆烏合耳我兵只須精銳二三百名
擡礮烏槍連環迭進將該梟匪等格斃無算生擒無算
自然一鼓成功又何須攻城之紅衣礮位虛聲吶喝耶
若謂溪河深闊並無舟楫渡橋而往恐該匪等斷我後
路且姑無論古人背水而陣致之死地而生正用兵妙
處卽如編筏囊沙先事有許多布置把守接應臨時有
許多經營雖長江大河猶得徑渡况區區一溪河豈竟
無策可施而徒思隔水放大礮以嚇之耶本院現已檄

飭浮梁營備兵七十名南康營備兵八十名聽候該守
移文調用各該都司卽飛速帶兵前往並另札該守遵
照就近相機酌調又札飭省標備兵三百名聽候調用
又札飭候補同知林福祥帶銀一千兩前來幫同該守
勦辦林丞曾經行陣頗有膽勇該府務卽與之商酌布
置不可畏葸掣肘亦不得因係省中委員一切推之於
彼功過可置身事外本院一切仍責成該府也至於此
案與漕務毫無干涉而該匪等膽敢藉端挾制意謂官
欲收漕卽勿來拏犯官欲拏犯我卽盡衆不准完糧此
尤目無法紀所謂奸民之雄也更當窮追嚴捕以示懲
吳文節公遺集 卷四十三 七

創縱使德興通縣顆粒不完本院當奏明停徵一年必
將拒捕梟匪抗糧奸民併案同勦一一獲案梟示該府
慎勿顧後瞻前畏首畏尾若夫分別良莠一面多張示
諭剴切開導一面進兵勦捕斷不可因此遂意存將就
稍示鬆勁致梟徒漏網奸民得志也總之此案本院不
憚發兵不惜經費並不嗔責該府縣誤漕務將一千玩
法之徒弋獲律懲以彰
國法而挽獷俗爲整頓鹽務計實爲整頓地方計該府
其知之勉之此札

再委署饒州營穆叅將於二十二日申刻抵省當卽面

飭坐原船星夜前赴署任不准片刻逗遛並告知現有此案務卽會同胡守帶兵嚴行搜捕矣又知之

廬陵
萬安

批 縣會詳鹽犯拒傷卡兵由

查魏奕祥等販私被獲拒傷巡兵明係大夥鹽梟恃衆逞兇自應從實懲辦以昭炯戒乃現獲鹽犯二名一稱各自販私一稱買食私鹽已屬捏飾而拒捕傷兵又稱止魏奕祥一人不知該兵李廣佑被拒傷痕共有四處如止魏奕祥一人拒捕該兵李廣佑非木偶土人豈有聽其毆至四傷而不一還手之理至安國良原驗左臂腫脹傷已青腫腫脈乃灣曲有讓部位如係墊傷或紅吳文節公遺集卷四十三 八

腫皮破血出均有之今驗明青腫非著力痛打不及此據訊因失足跌地在樹枝上墊傷無理混謫豈竟以案牘爲兒戲耶當此私梟充斥之際該縣等尸位素餐忘所有事已屬可恥乃不知振刷精神遇事整頓而猶欲以化案伎倆開脫消弭是誠何心仰按察司會同鹽法道嚴飭新署萬安縣曹令會同署廬陵縣蔣令再行悉心研審實在販私拒捕確切真情據實詳辦並飭究明逸犯切實姓名嚴拏務獲併究如再不實不盡將來提省審出必將該令等一併指叅慎勿泄視切切仍候督

部堂批示繳

批臬司會詳審明鹽犯拒傷卡兵一案由鹽道

查兵丁安國良所受左臂腫脹傷痕既據訊係鹽販拒傷自應查訊在何處緝私被何人如何拒傷從前何以審係自行失跌墊傷切實審明據實詳辦今僅於謝典庭供內點出不知安國良在何處被私犯拒傷一語了結全不顧案情前後兩歧明係混行開脫成何信讞總之案不核實無往不叢生荆棘本部院實未能喪盡天良任爲該府縣等所牽率也仰卽轉飭切實研審現在實情核實究辦不准絲毫遷就從前及現詳如何虛假未實之處申明審正另行詳辦儻再似此混做率結本吳文節公遺集卷四十三

九

部院亦無顏再姑息矣切切仍候督部堂批示繳圖結存季冊發還

批兩淮運司會詳議覆壁督部堂援引散輪

奏案飭令西岸散輪售鹽礙難遵行由

查派檔非整輪也整輪者必儘某甲先到之鹽售竣方輪及某乙次到之鹽開售以次遞輪不容攙越本大鹽多之商每年輪售不計其數本小鹽少之商每年或輪不及三數次雖非把持實形偏枯若派檔則每開一檔以六十萬包爲率鹽多者派數多鹽少者派數少實無一商不賣卽無一商向隅無論十家八家可同時齊賣

卽推之數十百家亦仍是同時齊賣天下安有同時齊賣之物而獨能居奇把持者此至公至允之辦法正可以補

奏案散輪之議所未備非與

奏案散輪之意相背馳也至未派檔以前旣派檔以後商情之利害及未派檔以前旣派檔以後銷數之盈縮詳內所陳均極爲詳晰亦均屬實情應如所議仍照現章派檔售賣免致紛更而誤大局至於銷數短絀自當仍於緝私求之緝私之外或於鹽色加以講求亦一道也仰卽知照並錄批報明督部堂仍候批示繳

吳文節公遺集

卷四十三

十

札廣昌營都司查卡弁誑報緝私被搶由

案查前據該營呈據額外郭鶴翔稟報在疆陂地方拏獲私鹽十五擔行抵竹橋地方被地辣數十餘人各持木棍追至奪去九擔半打傷兵丁李輝吉等三人當獲吳云昌一名移縣審究等情卽經札行司道並建昌府飭審在案茲據廣昌縣稟該營兵等係在頭陂壩上地方拏獲私鹽五擔半犯俱脫逃行至橋口街因人衆擁擠賣柴人吳云昌誤踏營兵腳上口角被扭解送等情核與營文大相逕庭該額外郭鶴翔據稟係親帶兵丁巡獲私鹽之人何以所稟獲鹽暨搶鹽地方與營兵所

供不相符合吳云昌旣無搶鹽之事該弁兵何以誑稱被搶去鹽九擔半將其拏解而該兵等所受之傷又從何來均堪詫異當此整頓鹽務之際如果梟匪敢於奪鹽拒捕必當從實究懲斷不容消弭化案儻緝私員弁架捏誑詞將無辜平民妄拏妄報昧良誣指亦必當嚴行叅辦不容輕縱除稟批司會同鹽道飭府親提兵丁李輝吉等並傳郭鶴翔確訊詳辦併將吳云昌取保釋放外惟查甘竹圩卡原派兵丁僅止十名何以該營前報拏獲私鹽至十五擔之多且旣被搶回贓鹽兵亦受傷則梟犯人衆勢兇可知何以又止搶回九擔半其中吳文節公遺集

卷四十三

十一

必有捏詞妄報另有情節合行札查爲此札仰該護都司卽速查明前獲之鹽從何處得來該弁兵是否先得鹽犯陋規後復拏鹽報功其獲鹽之地何以各供互異例兵十人何以能拏鹽十五擔之多其捏飾稟報是何情弊一一據實稟覆察奪該護都司係本院特委之人儻敢有絲毫徇隱支飾本院自能察出該護都司自問能保全否思之切切此札

批廣昌營都司稟覆查明卡弁緝私被搶由

查此案前因廣昌縣具稟該營額外所稟拏獲私鹽被搶拒捕情形審有不實拏解之吳云昌係無辜平民稟

請保釋當經本部院批司會同鹽法道並飭府親提確
訊詳辦並札該護廣昌營都司查明據實稟覆在案該
護都司自應查訪的實情形據直具稟乃並不密查確
訪仍據該額外郭鶴翔一面之詞稟覆本院又何取此
一查耶且據稟稱是日該梟犯糾集地辣吳云昌先將
未過橋之鹽搶去九擔復過橋欲搶兵丁李輝吉等三
名拚命抵敵又被搶去鹽一頭比獲吳云昌等情檢閱
該額外原報搶鹽地辣稱有數十餘人兵丁三名何以
竟能抵敵其已獲之鹽尚然被搶而搶鹽之犯何以轉
能拏獲種種情節均屬費解總之此案究竟是否該縣
吳文節公遺集 卷四十三 十一

顛頂化案抑係該額外妄拏滋擾非僅關係鹽案所關
於地方吏治營務民風者甚鉅必當澈底查明據實參
辦斷不容稍涉含糊顛頂遷就仰建昌府立卽親身馳
往該處密訪確查提集兵丁李輝吉等並郭鶴翔到案
秉公確切研鞫孰是孰非務得實情詳候核辦儻有偏
倚徇飾不實不盡本部院自能查察必先將該府指參
也慎之此繳

吳文節公遺集卷四十四目錄

公牘

批宜春縣會詳萬載縣民婦袁陳氏毆死親子袁

世明一案由

批瑞金縣詳革役滋事脫逃由

批南昌府詳武甯縣革監葛方暢移種罌粟花製

造鴉片由

批南新城縣會詳范英漬誣告江太和謀命賄頂由

批大庾縣詳生員劉維新藉堂姊縊斃捏情妄控

革審由

吳文節公遺集卷四十四目錄

批贛縣詳審辨興國縣監生張禮誠因竊情敗露

在押自縊一案由

批永豐縣詳鄧存泰欠糧畏拘溺斃由

批瑞金縣詳命案另緝正兇由

批臨川縣詳徐六俚行竊逾貫其姊曾徐氏知情

分贓由

札樂平縣審結京控案內立石鑿字由

札樂平縣作速立石鑿字由

批吉水縣生員劉蕃呈控府斷不公由

批贛南道詳審結生員劉蕃上控一案由

批臬司詳廣信府審詳廣豐縣民蔡從旺控縣差
逼命一案由

批上猶縣詳會昌榮誣控命案呈悔由

吳文節公遺集

卷四十四目錄

二



批上猶縣詳會昌榮誣控命案呈悔由

批命一案由

批臬司詳廣信府審詳廣豐縣民蔡從旺控縣差逼命一案由

公牘

批宜春萬載縣會詳萬載縣民婦袁陳氏毆死親子袁

世明一案由

據訊袁世明平日既屢次忤逆其母後又搶奪其母手
內衣服并持刀逞兇是其桀驁不馴兇惡已極其倒地
時係屬失足并非受有重傷則當被母毆打之時勢必
恃強抵禦且縱不抵禦儘可逃避何以甘心卧地俯受
疊毆前忤後順如出兩人而袁陳氏以一邁婦何以竟

吳文節公遺集

卷四十四

一

能將其疊毆多傷重至骨損致斃供情顯有不確至屍
妻袁嚴氏當日投保報縣原詞據稱伊夫被母毆死私
埋核與現供本無歧異初訊時忽又狡展究竟如何狡
展又不詳晰敘明卽袁陳氏年歲若干亦不敘及更屬
含糊案情種種可疑未便率結仰按察司迅飭袁州府
親提人證悉心研訊袁世明實在如何忤逆如何被母
毆斃究明實在衅由有無幫毆之人並初訊袁嚴氏供
詞如何狡展務得確情另錄切供通詳察辦毋許絲毫
迴護顛預致干一併叅咎並不准展轉委審凜切凜切

仍候督部堂批示繳

批瑞金縣詳革役滋事脫逃由

差役黃元謝玉廖松跟隨本官行走相距不過里餘輒敢與人口角爭毆其橫肆已可概見據驗不過手足微傷何難赴訴乃復令家屬具稟尤爲刁狡至謝祥謝通以在官人役於不干己之事何以竟敢上堂喧嚷並將班牌撩棄所謂希圖挾制者毋亦該令實有可以挾制之處似此差蠻官疲亟應嚴行究懲查姚令已將交卸仰按察司會同布政司迅移南贛道就近遴委幹員馳赴該縣會同現署縣鄭令勒拏謝祥謝通務獲卽由該道提回現役黃元等確切嚴究從重按擬詳奪毋稍玩吳文節公遺集卷四十四

二

縱仍候督部堂批示繳

批南昌府詳武甯縣革監葛方暢移種罌粟花製
造鴉片由

此案葛方暢栽種罌粟花不獨葛步堂等挾嫌首告該縣自稱訪聞卽其雇工盛治涓等落膝初供亦認收漿三次其爲積久栽種製造鴉片售賣貽害已可概見該府縣不究其花種來歷而聽其混供謂山上野生果爾則該縣地方徧處皆有罌粟該縣平日漫無覺察直形同木偶矣且罌粟果有野生該犯葛方暢果係初次希圖試造鴉片豈在野不可取漿試造而又移植園地何

耶供情種種支離在該縣不過欲規避失察栽種處分而該犯所藏之種所收之漿概不追究查起豈該縣已失察於前尙忍聽其蔓延於後耶仰按察司速飭南昌府嚴督該縣再行提犯悉心研審實在如何起意栽種罌粟製造鴉片究明花種來歷及實在會否收漿造土售賣兵役人等是否得賄包庇務得各確情追起存留花種花漿錄取切供另行通詳按擬解辦毋任顛預率延仍候督部堂批示繳

批南城縣會詳范英潰誣告江太和謀命賄頂由

查范英潰明知江大貴係被江文元等毆斃輒因訛詐吳文節公遺集

卷四十四

三

不遂挾嫌誣告江太和誣姦謀命險惡已極當照例嚴辦固不待言而所遞詞狀是否有人代作有無主唆慫恿之人亦須切實追究如謂自作卽追起詞稿令其當堂默寫比對筆跡是否相符否則卽有代作之人務當拿獲并究不容縱漏仰按察司飭卽遵照切實根究務得確情按擬詳辦毋稍遷就延縱切切仍候督部堂批示繳

批大庾縣詳生員劉維新藉堂姊縊斃捏情妄控

革案由

查黃劉氏自盡身死劉維新輒因索詐孝帛錢文不遂

捏情誣告必當從嚴懲辦以儆刁風惟檢查各屬詳報婦女自盡之案多因舊患氣痛病症復發短見輕生未死之前必有疼痛難忍或病磨難受不如早死之言向人告訴豈婦女一患氣痛必致輕生者耶其中真者固有而照案臆錄藉以消弭者諒亦不少此案劉維新藉命索詐惡習殊爲可恨必當懲辦而黃劉氏因氣痛復發自縊身死之處是否確切亦須核實仰按察司會同布政司卽將生員劉維新卽劉德明衣頂斥革速飭提集全案人證研審究擬示懲並究明黃劉氏自縊情由

據實錄供詳報仍候

督部堂
學院

批示繳

吳文節公遺集

卷四十四

四

批贛縣詳審辦興國縣監生張禮誠因竊情敗露
在押自縊一案由

據訊監生張禮誠因向同居之黃遠璇借錢不遂起意主令楊義蘭等行竊黃遠璇家衣物以身列成均之人而爲行竊之事已屬罕見且楊義蘭本係張禮誠家雇工是夜楊義蘭與劉石子等至黃遠璇家行竊旣經黃遠璇之妻黃王氏驚起識破自必指名喊拏而張禮誠聞喊不捕自露破綻尤屬不近情理至黃遠璇於三月十六日報官於閏三月二十六日據差將張禮誠帶案其間相隔四十餘日張禮誠是否仍安居家內抑先已

逃避該差究從何處拏獲帶案亦不聲明而其子張運寶現在年歲若干何以伊父糾竊被控事越數十日尙不知情直待伊父到官訊出始行知悉當日張禮誠交捕廳衙門看管張運寶是否同在一處據供伊父自歎竊情敗露不如早死之言是否係伊親聞抑係看役金彩向告又該犯劉石子供稱三月十四日夜竊得衣物早尋見張禮誠分別變賣得錢作四股俵分究竟該犯在何處尋見張禮誠所偷贓物變錢若干每股分錢若干亦不詰明供詞俱極含糊案情殊多疑竇恐難保無疑竊盜押致令自盡情事必須澈底根究以成信讞未

吳文節公遺集

卷四十四

五

便任令該縣等顛預率結仰按察司卽飭贛州府親提人卷逐一悉心研訊張禮誠實在有無行竊情事因何在押自盡務得確實真情錄取切供據實另詳察辦儻該縣等有草菅人命及諱匿捏飾之處並卽先行詳叅毋稍迴護延縱亦勿展轉委審切切仍候督部堂批示繳

批永豐縣詳鄧存泰欠糧畏拘溺斃由

查鄧存泰駕船生理並非毫無家業之人差役張接等如果僅止喊令完糧何致鄧存泰卽跳水畢命核其畏差如虎之情必有被逼難堪之狀據訊鄧存泰想覓水

逃避不料誤入深處溺斃一節鄧存泰生前既未向人告語死後又從何而知捏飾支離顯而易見雖據稱屍妻供有差役並無訛索供結難保非事後處和吉水縣既經該府飭委驗訊屍妻供有付給差錢情節並不確訊詳報輒卽移回亦屬徇護仰按察司飭府卽提該差嚴訊確情按擬詳奪仍候督部堂批示繳

批瑞金縣詳命案另緝正兇由

廖榮嶽被毆時其父廖永華在場眼見而初報並無鍾遠仕之名卽鍾盛模初報亦無廖家明之名何以兩造正兇均諉之初報無名之逸犯恐鍾遠仕廖家明是否實有其人尙未可知現犯之狡供耶屍親之賄和耶官之無心草率有心縱飾耶案關二命豈容太涉懸虛仰按察司卽飭甯都州提集案證虛衷研鞫按實詳報仍一面飭縣勒拏鍾遠仕廖家明務獲究報仍候督部堂

批示繳

批臨川縣詳徐六俚行竊逾貫其姊曾徐氏知情

分贓由

查徐六俚於三月十五日赴鄧鼎新家探望伊姊曾徐氏該宅卽於二十九日夜被徐六俚竊出多贓揆厥情形係屬會徐氏勾引偷盜已屬顯然該縣因其先行喊

捕遂信爲先不知情殊不知賊去喊捕正爲事後掩飾起見該縣竟亦墮其計中耶至所稱果係串竊何甘僅分些須物件等語其有無餘賊隱匿亦無從知之案關生死出入斷難憑該氏一面之詞草率擬結仰按察司卽飭比差勒拘徐六俚到案提同會徐氏再行研訊行竊得贓逾貫究明是否曾徐氏勾引抑僅止事後知情分贓務得確情按擬招解毋再顛項遲延致干叅咎仍候督部堂批示繳

札樂平縣審結京控案內立石鑿字由

爲札飭事照得該縣民人張庭傑京控張幗元等鑿深
吳文節公遺集 卷四十四 七

圳槽捏控毀壩等情一案業經由省委員審斷請於該處中陂南北兩頭另立石柱一根鑿字記明老跡並於新宗北滯之井墩屋背活石水磑旁底鑿載字樣等情解經本部院提審由司詳各現候部覆惟所斷立石鑿字之處亟應趕緊照斷清楚合行札飭爲此札仰該縣立即遵照現斷作速在於該處立石鑿字以杜訟端仍將遵辦緣由稟覆存案毋稍遲延切切特札

札樂平縣作速立石鑿字由

爲札催事本月十九日據該縣申覆縣民張庭傑京控張幗元控告毀壩案內原斷立石鑿字一節卽經遵照

差飭兩造購備石料工匠稟候親詣監監鑿記茲據差稟以壩水甚旺礙難建監請俟水勢消涸再行遵辦等情申覆到院據此查此案上年九月間即經本部院札飭該縣照斷辦理該縣玩延不遵遲至今日忽以水旺難建支吾具稟不知原斷建立石柱在該處中陂南北兩頭並不在水中於水之消旺何礙該縣如果盡心民事一奉札飭立時捐備石料自雇工匠速詣查辦有何難處乃視同隔膜高坐衙齋又不肯破費分文自備料匠僅差飭兩造購備稟候建監鑿記迨至差不遵令支吾飾覆該縣亦卽以之飾覆上司該縣自問爲民牧者可如是耶本卽撤叅姑再嚴飭爲此札仰該縣立遵來札查照原斷事理作速在於該處立石鑿字限文到五日內妥辦完竣據實稟覆儘逾限不辦或辦不如式必將該縣叅懲勿自誤也稟之切切特札

批吉水縣生員劉蕃呈控府斷不公由

該處海螺形故冢旣係劉有源祖塋則劉有源欲附葬祖母何必插牌預示葬期其情本不無可疑該府原斷以劉有源所指係張天海螺形劉蕃等譜載係高坡嶺海螺形該地名張天而非高坡指爲劉蕃等誤認混爭而劉蕃等又以劉有源爲添宗譜牒混府斷該生等現

得其家真譜請飭核對覆訊如果劉有源實有添捏宗譜情弊則冒認混爭又似在劉有源而不在劉蓄矣仰吉南贛甯道迅卽親提人證虛衷研鞫秉公訊斷詳覆察辦毋稍迴護率延詞粘並發

批贛南道詳審結生員劉蓄上控一案由

贛南道詳吉水縣生員劉蓄等具控劉有源等冒充祖墳一案訊斷尙屬允協劉蓄等所控得實矣此案本係劉有源等意圖占葬冒認祖宗黃西峙等因與劉有源等交好出而插訟左袒之其劉有源黃西峙等譜內加載各字樣均屬有爲爲之所謂添刊者特僞造之別名吳文節公遺集卷四十四

九

耳夫本院謂黃西峙與劉有源交好左袒者非臆斷也當劉有源與劉蓄控爭墳塚之時兩造皆可添葬卽兩造皆須防範况劉蓄止修理舊塚並無添葬之意劉有源則插牌示期顯著添葬之形如果黃西峙等於兩造劉姓並無左右袒祇圖保全祖墳自清自界可也否則亦當意向不欲添葬之劉蓄添刊潭西劉氏葬於左穴字樣方是乃轉意向急欲添葬之劉有源添刊瀧洲劉氏葬於左穴字樣是明明欲絕劉蓄等之上塚而固不禁劉有源之添葬也其交好左袒之意已自爲呈露或謂前此劉蓄未得瀧洲別房真譜呈核本無以定劉有

源譜內之作僞卽無以知黃西時譜內之有私殊不知以黃譜而載劉墳與通譜體裁必不類一望而知爲事後屢入此固不待辨而明者現伊等旣到案供明不敢狡執姑從寬各予免議令自省愧可耳至吉安府李守未能虛衷體察受欺輕讞事亦人情所有嗣是因公來省本院與論及此案該守悻悻負氣大有自是護前之概則所謂知其一不知其二也民岩可畏勿論無訟不敢希先當知聽訟亦大難也可不懼哉仰布政司卽移贛南道轉飭吉水縣遵照辦理辦竣後徑覆本院備查並由司將該道全詳暨本院批示照錄一通札飭吉安吳文節公遺集卷四十四

十

府知之發去贛南道詳冊一本錄完仍繳所有吉水縣前請斥革之監生劉錫旂卽劉龍交應否開復卽移道核明另詳原詞一紙存此繳

批臬司詳廣信府審詳廣豐縣民蔡從旺控縣差逼命一案由

查此案蔡顧氏因牛隻走失出外找尋失足落河溺斃屍子蔡仕秀等原報稱被蔣廷俊等勒完錢糧牽去牛隻致蔡顧氏追趕跌溺斃命續據稟明係懷疑誤控具結呈悔經委員會同訊明詳結蔡從旺爲蔡顧氏之堂姪於案結之後突然出頭以縣差申棍飛灑條糧勒賠

奪牛將蔡顧氏推跌致斃等情牽入無辜赴司翻控並捏蔡仕秀之名來轅具呈既據訊明所告皆屬子虛則係蔡從旺圖詐妄訟情事顯然自應按律坐誣以懲刁玩乃該署府爲之周折圓說捏稱蔡從旺係蔡仕秀等囑令來省上控幫訟因不知蔡仕秀等先已查明在府呈悔是以赴司具控迨奉押發遞回收管又因心疑蔡仕秀等悔呈係顧元祥等騙令投遞復以蔡仕秀出名具詞遣人來轅投遞種種謬語曲爲開脫該署府豈不知蔡仕秀等前次赴府具悔據縣訊詳事在上年臘月蔡從旺在臬司翻控事在本年二月如果蔡從旺係蔡

吳文節公遺集

卷四十四

十一

仕秀等先期囑令來省上控迨後蔡仕秀等既查明原報錯誤在府呈悔豈有不卽向蔡從旺知會而聽其仍行控告之理至蔡從旺如果實因先不知蔡仕秀等已在府縣呈悔結案致又赴臬司衙門呈控迨奉批發回卽當自知冒昧尙有何疑而又以顧元祥等騙令蔡仕秀投遞悔呈之詞冒蔡仕秀之名來轅具呈力證其在司翻告之不謬耶懷疑二字本屬謬種流傳似此刁告之案若猶以懷疑二字曲爲解脫不辦誣告而遷就了結何以儆妄訟而遏刁風該署府鹿丞夙稱明練聽斷是其所長惟委曲彌縫力求結案不知廢法卽所以長

奸亦是一蔽仰卽轉飭知照速將此案另審確供照例按擬詳辦毋蹈遷就積習致干未便此繳

批上猶縣詳曾昌榮誣控命案呈悔由

查曾開洪自行失跌身死先據屍子曾昌榮以被羅世文毆斃等情具報如果於未驗之先卽經屍兄曾開稻帶同曾昌榮赴縣盡吐實情具結呈悔曾開洪屍身又經該縣驗明實係跌斃並無別故當場一訊卽結之案何須見證何須另行集訊乃任意延擱兩月有餘始以傳訊藉詞草率一詳無非性耽安逸全不以民事爲重此數月中任令差棍等恣索迨兩造賄和已成該縣始吳文節公遺集卷四十四
士
將機就計捏作未驗先悔具詳辦理錯誤適足以長刁妄而累善良仰按察司先將該縣故違定章出詳遲延之處記大過二次仍彙記核辦一面嚴飭該府確查此案究竟有無藉屍圖賴及賄和情事據實飛稟察奪毋稍瞻徇迴護致干一併叅咎仍候督部堂批示繳

吳文節公遺集卷四十五目錄

公牘

批信豐縣詳劉姓銃死槍傷余姓多人由

批德興縣詳余姓東陽西陽兩支山場定界由

批德化縣稟本院姪少爺過潯代雇妥船並代遞

家信由

批臨川樂安縣會詳檢訊臨川縣民人張祥俚致死鄭

勉之一案由

批署安福縣詳楊效古失跌身死由

札贛州府查興國縣報案遲延由

吳文節公遺集卷四十五目錄

批南城縣詳張時順在南城臨川交界地方被賊

掉竊由

批進賢縣詳獲賊犯鄔春仔訊供由

批藩臬司會詳開復廬陵縣革監劉幹由

批新城縣詳竊案估賊由

札信豐縣嚴審服制命案由

批武甯縣詳黎林志等毆斃胡焯達由

批泰和縣詳萬安縣捕役温才在境被殺屍滅無

蹤由

札署龍南縣明白稟覆由

吳文節公遺集卷四十五

男養原謹編

公牘

批信豐縣詳劉姓銃死槍傷余姓多人由

查火器之案中傷數人者固所時有若以一銃而致死三人一槍而致傷三人生則俱生死則俱死恐不能如是之巧况查核余文遠等受傷部位上下左右不等三人並立其間幾何一發之砂子何能徧及細揣案情若非該犯等串囑頂認恐該縣有遷就開脫情事至余文遠余榮占余益魁是否係本宗五服至親爲案中緊要吳文節公遺集卷四十五

一

關鍵未據訊明聲敘殊屬疎漏仰按察司飭卽勒緝逃兇劉二幅務獲提同現犯再行研審起衅爭毆銃斃三命究明是否預謀糾毆有無起衅別故及實在兇手幾人曾否串囑頂認務得各確情另行錄供詳報屆限無獲先就現犯審擬詳叅仍先造冊由司詳咨通緝毋稍迴護飾延致干未便行竊余魯斯牛隻逸賊劉黃老等飭緝務獲究報並候督部院批示繳

批德興縣詳余姓東陽西陽兩支山場定界由

查該處東陽村余姓與西陽村余姓厯因越界砍柴致釀人命今該縣飭據兩造中親處令西陽村將水緣源

等處賣與東陽村管業以杜越砍爭競辦理甚好但必須多釘石牌分界清楚以免日後混指啓衅至西陽村人是否合村均已得錢輸服願賣亦須確切查明若僅爲首數人將銀分去則西陽與西陽之人又有爭競矣仰按察司飭卽遵照再行切實查明釘牌分界稟覆察核再細核現送繪圖西陽村所留之山似屬無幾西陽村人雖少豈不需柴薪耶恐是現圖潦草所繪不全不甚明晰並飭詳細另繪將何處起至何處止係未賣之山及何處係各姓已分並已賣山內何處應聽添葬何處不准添葬一一分定起止處所明白簽說附送查考吳文節公遺集卷四十五

二

均毋顛預草率切切仍候督部堂批示繳

批德化縣稟本院姪少爺過潯代雇受船並代投

家信由

本院族小丁稀所有本族之人均係在籍各務土農本業從無一人在外游蕩何物魑魅敢於詐冒招搖膽玩已極該縣地當孔道察弊防奸是其專責縱使本院實有族人過往亦不勞該縣代爲雇船况此無端魑魅該縣不能覺察反代爲雇船並將僞信代呈殊屬昏愎糊塗除將原信札發臬司存卷備案俟獲犯比對筆跡查究並通飭偵緝外仰該縣迅卽多派幹差四路兜捕務

將該匪拏獲嚴審按擬究辦不准以逃走無蹤延塞干咎仍將該匪犯年貌服色飛稟以便通飭偵拏毋稍玩延切切此繳

批臨川縣會詳檢訊臨川縣民人張祥俚致死鄭

樂安

勉之一案由

查該署縣銘令原報張祥俚因向鄭勉之索取賄欠斥詈爭毆拳傷鄭勉之右脇並用手义住咽喉斃命不特張祥俚及在場見毆張愛麻子供認如繪卽屍母鄭徐氏地保張壁奎亦稱當時查看鄭勉之屍身咽喉隱有傷痕是鄭勉之被义身死業已供證確鑿所不可信者

吳文節公遺集

卷四十五

三

張祥俚因鄭勉之喊叫慮恐有人聽聞用手义住咽喉登時氣絕明屬故殺乃狡爲並非有心致死張祥俚與張愛麻子張報喜張揆揚俱係同賭贏錢之人此日一同在場又幫同移屍滅跡明係預先糾約乃謂看戲偶逢耳該縣等并不查照銘令訊定供詞逐細檢驗切實根究輒因所檢屍骨僅止左肋右腿兩傷一任該犯等狡供避就謂係踢傷左腿復拾石擲傷左肋致死殊不知被义身死者其傷在於咽喉軟骨如日久咽喉軟骨脆碎風化如石灰無可檢驗但檢驗門骨必浮出腦殼骨縫之外少許其色淡紅或微青色鄭勉之顙門骨畢

竟有無似此形狀該縣等並未檢明從何知非被刃身
死若云屍母鄭徐氏等原供右脇有傷現在傷在左肋
亦不符合不知脇與肋部位相連左與右記憶偶誤均
不足爲屍親原報不確之鐵據也至於見證張馨俚原
供並無其人今忽憑空添出顯係該犯等買囑而來否
則卽係該縣等紙上憑空勾捏以爲辦案可以取信此
等謬種流傳之慣技最爲可恨案情旣屬懸虛檢驗又
未明確斷難草率定讞致滋輕縱仰按察司卽飭再行
提犯研訊實在如何下手致死究明是否有心欲殺有
無起衅別故及在場幫毆之人務得確情並查明原驗
吳文節公遺集

卷四十五

四

鄭勉之顛門會否浮出是何顏色切實聲敘按擬招解
毋再顛預率延致干叅咎切切仍候督部堂批示繳
批署安福縣詳楊效古失跌身死由

查人命案件如係輕生自盡等項例應卽於屍場審明
定案將原破人等釋放原以杜差棍藉端訛索擾累江
西各屬每有藉命訛索之事其故多由地方官不照例
當場結案因循延玩故授差棍以圖詐之隙遂致挑唆
播弄百弊叢生迨至經年累月詳報遲延則統以見證
外出或屍親患病爲覆支吾文飾而於差棍之逞奸良
民之受害皆置不顧本部院思挽頽風以安良善會於

上年諄諄通飭凡有命案令於一月內出詳較之定例已屬寬予限期地方有司果能勤明自矢何難遵辦乃該署縣張令於上年九月初旬報官之案遲至本年二月底以見證外貿今始回歸爲覆支飾詳報實屬故違况讞獄之需用見證原賴以燭案情之疑竇決兩造之狡詞今此案楊效古因知郭飛鵬等赴山檢拾茶子恐其越界誤檢前往看視轉回失足跌傷越日身死各情已據屍親直報無隱且經該署縣驗確勘明毫無疑義本係一問可結之案就使見證劉芳興眞眞外出亦無難當場定案乃延今半年之久始行審結似此因循懈吳文節公遺集 卷四十五 五

怠實爲玩視民瘼且恐尙有授意書差婪贓染指情弊若不嚴行叅處何以示懲儆而肅官方仰按察司會同布政司卽將該經歷詳請
奏叅革職以爲通省炯戒並飭該府查訊該縣官吏有無得賄情弊據實詳辦一面飭令接任之王令查明該員任內經手倉庫錢糧有無虧空詳覆辦理均毋刻延仍候督部堂批示繳

札贛州府查興國縣報案遲延由

案查前據興國縣呈報二月及三月分有無呈報命案清摺內有地保蕭大珍報據藍生菁投稱伊妹藍氏自

縊身死等案未據驗訊詳報卽經札催在案今查二月分藍氏自縊身死一案三月分王李氏失足落塘溺斃一案迄今半年之久仍未據訊詳又四月分旬報命案摺內有鍾貴錫被傷後溺水身死一案六月分劉宗速服毒自盡一案又陳馬氏等溺斃一案又曾鍾氏被夫誡責抱忿投塘溺死一案又吳德仁報伊妹吳氏被夫弟李先漢凌毆縊斃一案又劉彭氏服毒自盡一案前後共八起均延玩未據具詳不知該縣終日所辦何事其束置本部院刷單通飭之文於不問已屬藐玩且故違定例易結不結更不知是何意見該縣似此居心辦

吳文節公遺集

卷四十五

六

事不獨不能整頓地方挽回風習恐必有串吏婪贓情事前署安福縣張令因詳報自行跌斃命案遲延經本部院奏叅革職在案現在通省各州縣均遵照通飭於一切自盡命案不敢延擱惟瑞金縣暨興國縣二處別有肺腸瑞金縣昨亦奏叅矣則興國縣不能遺而不問也爲此札仰該府立即查明興國縣自盡各案該縣何以不將驗訊緣由遵例詳報是否書差地棍藉命訛索該縣有無授意婪贓情事限支到二十日內一面詳細稟覆以憑核叅一面勒令該縣將以上各案亦於二十日內掃數全清該府有察吏安民之責儻敢扶同捏飾

以屍親患病見證外貿等荒謬陋套支吾搪抵定卽一併嚴叅凜之愼之再該縣尚有四月分曾維胡傷死一案六月分吳奕潮傷死一案亦均逾審限並卽一併確查嚴催附覆此札

批南城縣詳張時順在南城臨川交界地方被賊查嚴催附覆此札

此案前據監生張洪等以伊姪張生發投宿臨南交界熊細積飯店被匪掉竊洋銀六百餘元報經臨川推諉延宕等情抄批來轅具控當經批司轉飭臨川縣嚴拘訊究追贓詳報在案據詳前情除徑札撫州建昌二府

吳文節公遺集

卷四十五

七

會勘公定外查該臨川縣王令於事主報案之初已存刁難事主意見於所批報呈內實屬心存推諉交界地方失事自應兩縣和衷協恭不分畛域實力緝拏以期贓賊迅速就獲乃該縣並不以緝賊爲事先展轉推諉爭論界址延誤時日以致犯颺贓消可恨已極仰按察司先將此案責成臨川南城二縣限一月內務將贓賊全獲稟報如屆限不獲定卽專摺將臨川南城二縣分別撤叅斷不能照尋常按限開叅已也一面造冊由司詳咨通緝仍候督部堂批示繳

批進賢縣詳獲賊犯鄔春仔訊供由

查該犯鄔春仔與小功叔鄔經邦同屋居住本係門內之人夜起乘間往竊便甚也何用闖入空屋等候其在空屋等候者必係所勾引之外人耳該縣並不切實根究又不將出入情形繪圖貼說附呈實屬草率至該犯所穿白布汗褂一件先既脫下包細銀兩後因有人喊攜棄衣攜賊逃走其時赤身無衣攜此五百兩重賊路人皆立得而盤獲之矣其爲另有窩家毫無疑義該縣亦不切實根究更屬糊塗草率仰按察司卽勒拘徐發蘭到案提同研審行竊逾貫究明勾引何人同竊何處窩藏是否徐發蘭卽係窩家此外有無窩夥竊劫別案

吳文節公遺集

卷四十五

八

及另有知情容留分贓之人務得確情查明服制同出入情形分別繪圖按擬詳辦毋稍遷就率延致干未便仍候督部堂批示繳

人批

滿

司會詳開復廬陵縣革監劉幹由

如詳飭遵在逃各賊犯並飭勒緝務獲究報至詳內所稱劉幹被竊牛物現已獲賊李發秀送案應聽官爲辦理乃輒令工人同往搜贓致李發求等家被觀看人竊去衣物殊屬不合等語殊不知劉幹將李發秀送縣之初該縣如肯耐煩片刻審出窩贓實情不先取保釋放劉幹焉有不聽辦之理是劉幹搜贓之由實因該縣辦

事草率而起反欲誘過他人可爲浩歎並卽申飭仍候督部堂批示繳

批新城縣詳竊案估贓由

此案冊開多贓該縣僅估銀六十餘兩種種輕短已難枚舉尤可異者金銀首飾均未開明分量不知憑何估計而冊開之大毛皮獨更不解係何物此等荒謬贓冊不識該縣會親閱過否仰按察司嚴行申斥並將發來贓冊擲還飭令逐一查明增估詳晰換造另送察核一面選差幹捕並移關鄰封營縣一體嚴緝贓賊務獲究報毋任縱颺仍候督部堂批示繳

吳文節公遺集

卷四十五

九

札信豐縣嚴審服制命案由

本年八月二十四日據該縣具詳賴增堯等共毆致傷小功服叔賴位暘身死一案到院據此查該犯賴增堯用鐵叉戳傷賴位暘左腳腕等處四傷內有二傷重至皮開肉綻骨損無論干犯情形顯然卽據現詳該犯自供而論亦係有心互鬪乃該縣尙扭捏被搭情急而以並非有心干犯縱之惡習深錮直不知有天理矣閱之殊屬可恨至共毆之賴增茵曾否獲案旣未訊供入詳又不聲明飭拏亦屬率漏已極除詳批司外合行札飭爲此札仰該縣立卽遵照查明賴增茵曾否獲案先行

稟覆一面提集犯證再行實心嚴審起衅共毆致傷小
功服叔身死究明實在下手情形據實錄供按擬招解
母再扭捏輕縱致干叅咎切切此札

批武甯縣詳黎林志等毆斃胡煜達由

此案該縣前詳胡煜達於夜間聽聞喧嚷開門出看被
毆身死等情當以供報含糊批飭拏犯確究茲據詳獲
犯黎林志等訊係黎林志因胡煜達不許該犯赴山檢
柴起意邀同黎林正等毆打洩忿於二更時候前往將
胡煜達毆斃以深更夤夜伺人閉戶睡息之後而前往
尋毆情殊扭捏如謂白日往鬪慮恐指名控告是以乘

吳文節公遺集

卷四十五

十

夜尋往而該犯等與胡煜達本係鄰村素識之人當其
夤夜往毆故意在門首喧嚷無論聲音即可辨認且何
以預料胡煜達聞喊必出視必無燈火而胡煜達有妻
有子同在屋內該犯等更何以料定首先出視者必係
胡煜達而非他人供詞閃爍支離揆核情形若非該犯
等夥謀圖劫拒捕殺人卽必另有別情該縣迴護原詳
遷就附會成何信讞仰按察司飭卽勒拘黎良定到案
提同現犯再行研審實在如何夤夜夥衆毆人致死究
明是否圖劫拒捕務得確情據實錄供按擬招解毋稍
迴護遷就致干叅咎切切仍候督部堂批示繳

批泰和縣詳萬安縣捕役溫才在境被殺屍滅無

蹤由

查蔣和蕭信在泰和萬安二縣呈報均稱因在萬安溪下地方追拏賊犯蕭學熊等至泰和下店塘地方被鄭位三卽鄭遇三邀同賊匪在劉言贊飯店門首將溫才殺死該縣提訊鄭遇三供無其事惟來富仔係伊族人舊僕因在外流蕩曾至伊店投宿伊不肯收留而來富仔又供伊因與蕭學熊等賭輸被索賭欠知蕭信奉票緝賊告以蕭潭嶺上現有賊匪蕭學熊等囑賭指引往拏嗣遇蕭學熊等又告以蕭信現邀溫才來拏之語蕭

吳文節公遺集

卷四十五

十一

學熊等不依捉伊同往蕭信等住宿之劉言贊飯店敲門叫起蕭信溫才因溫才不肯行走被蕭學熊刀截腿上等語查該犯來富仔先旣指令蕭信等往拏蕭學熊等送官何以繼又向蕭學熊等告以蕭信等欲拏之語其情已不可解且是日來富仔與蕭信等在溪下地方遙見蕭學熊等蕭信卽欲追拏溫才因無賊據聲稱還要商量邀同蕭信往下店塘投宿再想方法來富仔卽與溫才等分手其時來富仔只知溫才等往下店塘投宿並不知住宿何店何以夜間與蕭學熊等前往卽逆知溫才等必住劉言贊家不左不右毅然敲門情亦可

疑至鄧籠仔陳三仔二名既非在場幫同殺人之人當
夜蕭學熊等殺傷溫才藏匿嶺窩自必深畏人知乃一
遇鄧籠仔等卽憑空向其告述同其往看尤非情理案
關人命屍身既未起獲相驗各供又疑竇重重殊欠確
切捕役蕭信係與溫才一同緝賊之人且經同時受傷
究竟伊等是夜聽聞敲門如何出看如何被傷其時被
蕭學熊扭去該役如何走脫其在縣所報情詞因何與
來富仔等所供不相脗合詞內何以指有鄭位三其人
該役等因奉票緝賊被賊致傷有何迴護顧忌何以匿
不吐出該縣自應向其悉心推鞠期得實情乃檢閱前
吳文節公遺集 卷四十五 十一
後各供初訊僅有溫才屍身被賊扛去一語覆訊則更
以供仍狡執一語了之究竟如何狡執又不將其供詞
備錄聲敘尤屬顛預仰按察司飭再悉心根究溫才實
在生死下落一面速拏蕭學熊等務獲提齊人證澈底
確審實情錄供另詳察奪人命重案該縣務當確切推
敲慎勿顛預玩泄自取重咎凜之凜之仍先造冊詳咨
通緝並候督部堂批示繳

札署龍南縣明白稟覆由

爲飭覆事據該縣現詳葉石富銃傷葉成雲身死一案
到院本院查核案情葉老滿本事不干已因與葉石富

口角業經勸散寢息隔十餘日之久忽又邀人往向理
論衅由已覺不實不盡至葉石富銃傷藥成雲身死下
手情形明係藥成雲跑避該犯從其背後覷準施放此
故而兼謀者矣乃該縣不敢用震動火機故套輒幻出
風吹火星藥燃銃發等語閱之不禁髮指無論如何大
風斷無吹落火星燃藥發銃之理該縣特未知銃是何
等形製耳且葉石富與藥成雲相背而走葉石富肩負
鐵銃銃口自必上迪豈能傷及人之腰眼右臂下部部
位無理取鬧該縣竟一竅不通耶該縣本係改簡撤任
之員經本院甫令試署此缺乃不盡心民事墮入做案

吳文節公遺集

卷四十五

三

惡道所有本院諄諄面訓之言及頒示條款全付東流
一事如此則其日行一切事件錯謬可知看此光景雖
無字簡缺亦大有不能勝任之慮除詳另行批司飭卽
覆訊據實詳辦外合亟札查爲此札仰該縣卽先將審
辦此案之意是否有心欺飾申商捏報抑係全未經心
任令書幕等隨手支吾抑果真情實係如此刻日據
實自行明白稟覆立俟立俟此札

吳文節公遺集卷四十六目錄

公牘

批萍鄉縣詳鄧張氏失跌碰傷身死由

批玉山縣詳鄭克儉命案屍傷兇器不符由

批廬陵縣詳鄧章脩被毆身死由

批南豐縣詳譚李氏吸食鴉片被營兵撞獲畏罪

自盡由

批上饒縣詳犯僧普成謀毆致傷徐至雲身死由

札鹽道籌剔青山積弊由

札臬司飭萬安縣確訊私販由

吳文節公遺集卷四十六目錄

批萬安縣詳審訊鹽犯由

批建昌府詳巡檢家人犯姦並查獲烟具由

批安仁縣詳捕役被不知姓名賊匪毆斃由

批安仁縣縣丞稟覆查訪捕役被毆斃命兇犯蹤

跡由

札廣信府提究上饒縣監生余希孟控案由

公牘

批萍鄉縣詳鄧張氏失跌碰傷身死由

批玉山縣詳鄭克儉命案屍傷兇器不符由

吳文節公遺集卷四十六目錄

吳文節公遺集卷四十六

男養原謹編

公牘

批萍鄉縣詳鄧張氏失跌碰傷身死由

此案鄧張氏自行失跌在伊子鄧金榜所夾損上碰傷額顱越日身死查鄧金榜所夾之損僅止一根何以鄧張氏額顱傷痕有並排二處損係夾住非安放穩實者可比一經碰及定當下垂其勢甚輕且夾損者方向前行勢不少停卽適然碰及尤屬力軟勁虛何以鄧張氏所受之傷竟至皮破血出且原驗鄧張氏額顱兩傷長吳文節公遺集卷四十六

各不及三分寬各不及二分似此輕微之傷何致當時昏暈既越八日之久復致殞命是否業已損骨又未據驗明聲敘種種未確顯有不實不盡卽以現訊供情而論鄧金榜夾損經過其母鄧張氏自行在後失跌碰傷亦難責其耳目之到與不到思慮之及與不及該縣欲照過失殺母之律定罪亦恐未協案關重大斷難稍事顛預致有出入仰按察司卽飛飭提集犯證檢同卷宗兇器親身押帶來省委員督同研訊確情按例擬辦仍候督部堂批示繳

批玉山縣詳鄭克儉命案屍傷兇器不符由

仰按察司飭卽勒傳見證毛長仔到案提同現犯再行
研審起衅爭毆致傷身死究明是否有心欲殺有無在
場幫毆之人務得確情查明服制繪圖按擬招解至鄭
克儉脊背脊膂兩傷據該犯鄭招供稱係用斧面所毆
斧面應有鋒刃何以傷痕又係血瘡紫黑色則是斧背
而非斧面矣傷痕爲命案要鍵驗訊是地方官切務該
縣何竟如此草率舛謬仰卽嚴行申斥並飛飭將如何
錯誤之處另稟覆奪仍候督部堂批示繳

批廬陵縣詳鄧章脩被毆身死由

查鄧章脩身受各傷致命惟左耳根石傷一處而驗僅

吳文節公遺集

卷四十六

二

紅色並未破皮畢竟曾否揣按是否損骨並無一字提
及該縣原勘鄧章脩兩手足被繩網縛業已解散右腳
腕繫有棕繩一根是兩腳腕當有繩痕是何顏色有無
血瘡全未驗明填註鄧章脩手足所網之繩是否地主
伍繡堂等解散抑係原來如此鄧章脩身邊曾否攜帶
銀錢有無失物均未向屍親人等一訊至原報地保本
屬文光中何以訊供時又係王崇叅鄧章脩左耳根石
傷何以作結內僅稱耳根未據註明左右種種疎漏錯
誤草率乃爾該縣似全不以公事爲事奈何奈何仰按
察司卽飛飭查明指飭各層逐一查訊明確另詳核奪

一面懸賞選差勒拏并移關鄰封營縣一體協緝逃兇
務獲究報屆限無獲照例詳叅仍先造冊由司詳咨通
緝並候督部堂批示繳

批南豐縣詳譚李氏吸食鴉片被營兵撞獲畏罪
自盡由

查譚李氏吸食鴉片畏罪服毒自盡孽由自作應毋庸
議惟該氏以婦女而在房吸食鴉片非當街當戶之事
又非外人可到之地何以致被該兵李恒魁撞見現訊
供詞含糊其中恐尚有別情必須嚴究各科各罪該縣
現擬比照獄卒疎失辦理似嚴實寬仰按察司飭卽再
吳文節公遺集卷四十六
三
提該兵李恒魁等研審確切究明有無別情錄取切供
另詳察奪毋稍顛預切切仍候督部堂批示繳

批上饒縣詳犯僧普成謀毆致傷徐至雲身死由
查該犯僧普成因與邱蘇氏通姦被徐至雲查知挾制
訛索並以如不付給定將其犯姦之事徑投村眾攆逐
之言向該犯嚇逼是該犯僧普成所深慮者惟恐徐至
雲訐其姦私被村眾攆逐該犯既不甘給錢以塞口勢
必將謀命以杜患致死之機應已早伏於平日據訊先
止謀毆洩忿後因徐至雲被傷辱罵始起意謀斃顯非
確供至陳瑞孫等於僧普成向糾之時何以俱欣然樂

從其中亦必另有情節而邱宗普於其妻邱蘇氏與僧普成通姦既不知情只知徐至雲因被僧普成辭工恃強訛索事非干已何以亦遽允幫助尤可異者僧普成因徐至雲知伊與邱宗普之妻通姦挾制訛詐以故將其毆打乃又糾不知姦情之本夫邱宗普幫毆全不慮及徐至雲被毆之時指破姦情邱宗普與伊不依耶揆厥案情種種疑竇顯有不實不盡該縣不詰究明白又先將要兇瘦斃實堪痛恨且三月初間報官之案該犯僧普成於是月二十二日瘦斃該縣自早已取供乃不卽詳報託稱見證患病遲至四月十七日始行出詳尤

吳文節公遺集

卷四十六

四

屬玩延該縣每於重大要案必將要犯瘦斃是何意見該縣典史職司獄務不能辭咎仰按察司會同布政司先將該典史撤任交現署廣信府鹿丞嚴審是否該縣授意將犯致死計圖結案省事切實揭叅所有此案並飭該署府親提犯證研審確情據實通詳察辦毋稍迴護飾延切切仍候督部堂批示繳

札鹽道籌剔青山積弊由

照得星子縣青山爲鹽艘集泊之所卽爲私鹽叢出之區嗣後江船抵青後如何驗試水迹先期封報限幾日卽應起駁赴省開艙起駁時限幾日卽須駁淨空艙不

得任意遷延留隙滋弊所有青山委員及青山巡檢應如何責成稽查儻有盜賣走私之船一經破案該委員巡檢等應如何分別輕重或罰或叅嚴行示懲至駁船由商自雇應如何責成埠攬示以賞罰或五號或十號將駁船編號出具互結一船有犯同結者應如何共坐分賠其駁船抵省亦應卽日上倉不得久泊河干謾無關束且延至月餘致駁船藉口於津費之不敷因生心於半途之盜賣殊未妥善以上各情仰卽飭商迅速妥議由該道悉心酌核縷晰詳奪再青山地方向爲弊藪不肖員弁各衙門丁役及土棍游匪串同船戶商廝以與支節公遺集

卷四十六

五

盜賣爲生涯以走私爲慣技皆恃有淹消名目借爲護符料定地方官化案劣習向不肯從實究辦以致肆無忌憚百弊叢生挽回積習正未可不教而誅亟應出示嚴禁並仰該道迅卽會同按察司臚列例條剴切曉諭示以法不容道事在必行以期青山之弊源漸清庶省河之銷路可暢也毋遲切切特札

札臬司飭萬安縣確訊私販由

爲札飭遵照事本年八月二十日據署萬安縣曹令通詳鹽犯張振升受雇挑私一案訊供緣由到院據此查此案前據良口卡員具稟拏獲該犯張振升供認受雇

爲陳姓等代挑私鹽送椒園洞交卸等情當以該犯挑鹽至椒園洞必有窩匿之人批司會道轉飭該縣捉犯研訊實情並究明椒園洞在何縣地方暨在彼窩匿之人是何姓名同陳姓等一併嚴拏究辦在案今閱來詳該縣不但將椒園洞之窩匿梟戶切實跟追而椒園洞爲何縣轄境並置不問其販鹽之正犯同挑之夥伴非有姓無名卽不知名姓混以並無窩匿及嚴拏不知姓名各犯另究等語顯預具詳試問該處如無窩戶則挑往之鹽向何人交收逸犯旣無姓名從何處嚴拏種種紕謬只知敷衍將就而於案情之虛實詞語之矛盾吳文節公遺集卷四十六

六

全然不計該縣前詳何同桂許延松二案均經本部院諄切指飭萬安爲粵私侵淮門戶前因竇令遇事因循不能振作奏請撤任遴選該令往署原以該令平日居官行事尙肯顧惜體面膺此委任庶一切可期整頓今該令如此辦事則大負所期矣合行札飭爲此札仰該司會同鹽法道轉飭提犯再行嚴訊實情跟追窩戶及逸犯切實姓名拏究詳辦如再顛預遷就不實不盡定行嚴叅凜之切切此札

查江省各卡緝私員弁平日不能實力巡緝大夥私梟
從無一獲間有獲得一犯而地方官又不肯確切根究
據實懲辦非以各販各私卽以受雇挑載多方開脫近
來私鹽充斥官引滯銷未必不由於此卽如該縣現詳
良口卡巡獲鹽犯張遠才一案又另詳芙蓉卡緝獲鹽
犯陳以宜一案經該縣提訊均係雇給不識姓名人代
挑私鹽無論兩案一轍且查張遠才等與不知姓名鹽
販六人如非同夥與販何以同時行至該處陳以宜既
稱不知姓名人因腳痛難行央懇代挑何以一見官兵
查拏卽能逃逸其爲捏飾更屬顯然該縣並不確訊實
吳文節公遺集 卷四十六

七

情根究逃犯姓名私鹽來歷分別拏辦輒沿故縱陋習
顛頂從事不知該縣是何居心該縣惰銷官引經本部
院迭次提勘乃遇案復如此草率仰按察司會同鹽法
道嚴飭該縣再行提犯悉心研訊實在如何與販私鹽
究明同夥實有幾人係何姓名住址何處並私鹽從何
處販來運往何處囤積銷售務得各確情另錄切供據
實按擬詳辦一面勒緝各逸犯務獲併究毋再玩縱致
干叅咎切切仍候督部堂批示繳

批建昌府詳巡檢家人犯姦並查獲煙具由

查該巡檢租賃張姓祠屋不過爲進縣時安寓之所諒

無財物在內何用專派家人劉福看守劉順仗赴劉福
住屋託售煙鎗等件若見該巡檢走至自必慌忙引避
何敢在屋停留該巡檢既見家人招接妓女放有烟鎗
煙膏定當自顧考成大加斥責飭役查拏何以張步升
等僅見該巡檢同劉福劉順仗在房說話不聞呼斥之
聲劉順仗與劉福通姦既非一日如果實將煙鎗煙膏
託令銷售何時不可交給必於該巡檢在寓之日夤夜
前往情節種種支離顯有不實不盡案關職官挾妓吸
食禁煙未便稍事含混仰按察司卽飭提集人證再行
悉心研鞫務得確切供情據實詳辦毋稍顧預徇延致
吳文節公遺集 卷四十六 八

干一併叅咎仍候督部堂批示繳

批安仁縣詳捕役被不知姓名賊匪毆斃由

查捕役李明因奉差與晏新等赴鄧家埠地方跣緝賊
匪在王心俚飯店住歇被匪捉去毆打致死當夜該匪
等既指呼王心俚不應留宿捕役而王心俚又曾開門
理論是兇犯與王心俚似必相識該縣等何以不從此
根究切實指拏輒因王心俚自供不識卽不追問率以
不知姓名含糊詳緝勢將海捕了事殊屬顛預且該匪
等因捕役至彼跣緝敢於約衆上門尋毆必係近處之
人究其膽大情形亦尙必不遠逃急應設法跟捕務獲

懲辦斷不准因循縱漏仰按察司飭卽再傳王心俚到案虛衷詳訊逃犯姓名下落選差密拏並移關鄰封營縣一體協緝務獲究報一面造冊由司詳咨通緝該縣儻敢因循泄縱不能獲犯定必嚴叅至李明右耳根既驗係拳傷而右耳一傷又連及耳輪耳垂何以圍圓均僅止五分有無錯誤並飭查明稟覆仍候督部堂批示繳

批安仁縣縣丞稟覆查訪捕役被毆斃命兇犯蹤跡由

查該縣捕役李明被匪徒捉毆身死前因該署縣詳報吳文節公遺集

卷四十六

九

含糊當經批飭確訊跟拏在案茲該縣丞稟稱上年曾獲積匪何接俚等解縣被其在押脫逃本年二月初五日各匪曾至眼目倪普清家尋毆未遇而捕役李明卽於是夜被毆身死核其情形似必係何接俚等一夥匪徒挾嫌毆斃該縣地方盜賊匪類橫行無忌一至於此若不作速查拏弋獲懲辦何以儆強暴而靖地方仰按察司卽飭該署縣立速嚴拏何接俚等各犯按名務獲研究迭次爲匪不法確情並捕役李明是否該犯等挾讎致斃按實錄供詳辦並飭該縣丞一體協拏至該縣丞另單所稟上年閏七月內十九都臘答石鄒姓獲賊

拒捕致傷汛兵之事是否的確亦飭該署縣確查辦理
均母因循延縱切切

札廣信府提究上饒縣監生余希孟控案由

本月十四日據上饒縣監生余希孟以伊子余惠孫等
盜賣田產拘押被王家瑞弊蔽保釋復賄余尖別將邁
病之余迭山買擡坐訛斃逞搶停等情詞來轅呈控查
天下無不是之父母余惠孫等既被其父余希孟呈告
則其不孝可知該縣何以不立提究治一味延宕至余
尖別等將邁病之余迭山擡至余希孟家訛詐致余迭
山在彼病斃復停棺圖訛情尤可惡是否係余惠孫等
吳文節公遺集卷四十六

十

申囑所爲並余尖別是否卽係余序堂被竊案內之逸
犯余哭別除呈批司轉飭該府確究詳辦外合行札飭
爲此札仰該府立卽遵照作速拘提人證到案限一月
研究明確分別從重按擬詳辦毋得稍延該上饒縣曹
令於地方上父呈首子及棍徒藉命圖詐之案不迅速
嚴訊詳辦拖延數年之久本院詳閱粘抄內臚列曹令
批語數十次無非候差拘集訊及催差勒索比差等套
語並未集訊一次是該令於此等倫紀攸關良善擾累
之案膜外置之惟付諸劣書庸幕一批了事該令不獨
未曾經心且恐並未寓目終日高坐衙齋妄託風雅置

民事於不問不知知縣者所知何事可恨已極此案應
訊一千人證儻該令不按名拘齊於三日內解府候訊
以致案有稽延該署府立卽飛揭請叅該署府尙稱盡
心民事可靠之員慎勿稍涉徇飾致併蹈謬妄之咎也
本院拭目以俟切切特札

吳文節公遺集

卷四十六

十一

本朝耳目以爲世世法

亦因事可罷也長與公曾進論論是世編考之書

以筵樂府錄多疑審決立判錄獄請叅勤學秋高權

焉一千八鑑滿勤會不疑公能濟於三日兩畢

與事於不問不暇取湖管視取同事可必自新

